

ادبیات عمومی و تاریخی

هفته‌لق سیاسی ، ادبی و علمی غزته در .

جلد : ۲

سنه : ۱ ۶ رجب ۱۳۳۵ جمعه ایرتسی ۲۸ نیسان ۱۹۱۷ نوسرو ۲۶

دوه قوشی

فیلسوف رضا توفیق بکه

بعضاً بر دورك بوتون احتیاجاتی بر روح ایچنده طویلانی و او روح او دورك محصله معنویاتی اولور . تاریخك بویوك ایشخانی مطلقاً زمانك احتیاجی یتیشدیرمشدر ؛ اکر انسانلر ایچندن اعظم یتیشمه ایدی ، اونلرك بر اقدقلری آثاری هر حالده زمان و طبیعت وجوده کتیره جکدی : مثلاً بیسمارق اولماسه ایدی ، آلمانیا ینه تشکل ایده جك ؛ کاشفی دوغماسه ایدی ، آمریکا ینه کشف اولونه جق ؛ ولو طر اولماسه ایدی ، ینه ره فورم اولاجقدی . فقط بو حادثه لر زمانندن اول لازم بیسمارق اکر اون سکرنجی عصرده کلسه ایدی ، هیچ بر شی یا پامازدی ! بو کبی مقدراته بویوك ذکاردن بری وکیل اولور ، و هر حادثه نك باشنده بر انسان اسمی قالیر . [یچه] ده بونلردن بریدر : او ، یاشادینی زمانك احتیاجانه ترجان اولمش ، و هیچ بر احتیاج افاده سنه مظهر اولمقلری حالده پك چوق جهندن کندیسنه فائق اولان بر چوق اعظم کبی ، آنجق بر زمانك موداسنه توافق ایتمش اولمقدن قورتولمشدر . عصر حاضر ك پك مطلق اولان هویت تاریخیه سی ، عادتاً یچه نك شخصیتنه تمثیل ایتمش کییدر . عصر ك زوخی ، یچه نك زوخی اولمش ، اونی زمان یتیشدیرمش ، اوده صوکره زمانه اجرای تأثیر ایتشدی . محصله ، بر چوق قوتلرك وجوده کتیردیکی بر نوع مبالغه دیمك اولدیغندن ، یچه نك شخصیتنده ، عصر حاضر ك بوتون خطوط تاریخیه سی ، نقائصی و محسناتی لزومندن بویوك بر وضوح ایله یکدیگرینه گرفت اولارق اترسام ایتشدی . اونك بومشکل هویتنی حله چالیشق ، زمانزه اولان تأثیراتی ممکن اولدینی قدر آکلامق دیمکدر .

یکرمی بریاشنده دارالفنون معلمی اولان فریدر یخ یچه ، مداعب سیاسی نك تشکله پك زیاده تأثیر ایتشدی . ادبیات عمومیه ده عالم ، فیلسوف و صنعتکار اولارق اوچ شخصیتی اولدینی حالده ، سیاستده ساده ایکی شخصیتی واردر . یچه نك بالخاصه بو صوک شخصیتلری عصره او قدر تأثیر ایتشدرکه ، او درجه سی آنجق زمانك اساساً موجود اولان بر استعدادیله قابل اولایلیر . فی الحقیقه اون دو قوزنجی عصر ك ایلاک اون سنه سندن اورتاسنه قدر فردی جمعیه ترجیح ایدن فردیون ، اوندن صوکره بر مدتده اشتراک کون مسلکلی افکار عمومیه یه حاکم اولمش ، و ینه عینی عصر ك

فائق حالی بلک افندیگ یکر می اوچنچی نسخه مزده کی شرقیسنک ، گفته سی قدر کوزل بر بسته سی
ترتیب ایدلمدی ؛ بوکونده نوطه سی عرض ایدیورز .

